

資治新書二集卷之四

湖上笠翁李

漁菟輶

婿沈心友印訂

軍政一督兵勦禦

出師勦寇牌

雲南張飛熊諱
提督張飛熊諱
陝西人

為飭勦餘寇事照得本提督奉

命入黔以來上賴

飛龍先
主乃本
朝之儒
將也六
敵臨前
不致聲
色有綸
巾羽扇
之風其
芳烈嘉

聖主之威靈下伏睿藩之偉畧提兵深入若履坦途
攻無不下之城戰少難殲之寇已見不毛之地盡入
版圖負固之流悉膏釜鉞此方底定
聖天子更無南顧之憂矣但有近邊餘寇待靖遐方
聲教未通所謂功虛一簣尙難卸甲止戈今與爾諸

獸多不將約本提督凝於木月某日發兵各授密劄命汝等

分途進剿但照劄內所授方畧殫力遵行自然師到

功成不虛攸往行之弗效本提督自任其咎與該將

無涉如或不遵指揮別生枝節以致違悞軍機者

得此牌國法具存斷難爾貸牌到之日各撥親信家丁一名

千偏裨前來領劄軍機宜密慎之速之特諭

之手所

謂樹一

滿萬著

翠

為軍務事照得屢接塘報海逆自溫潛遁賊踪紛紛

過北查在窺伺定關寧郡移巢欲往舟山以為可犯

可守之計木院已經會同昂邦章京柯酌發滿洲烏

咨水師常總鎮

浙江 佟匯白 諱國器 開東人

二語
盡海
可謂
身不

金超哈披甲併在寧八旗披甲以壯威靈以資征討
外本院舊撫閩中素知海道情形近據投誠某某等
口供益知近日情形空虛極矣賊之所恃惟在船多
人衆兵稱數十萬船稱數千艘而實無一用凡係西
北之人與海船不相宜者盡行逃去祇存有家眷者
若被羈絆欲去不能然而數不滿千強南人以披甲
如加桂枯于罪囚轉動不能何有干戰所以每遇官
兵不敢對壘惟知恃船爲險世有足不履地之賊而
能成事者乎自其舉叛以來飄移數載伎倆畢露所
患我兵不察虛實但見船多人衆不肯奮勇衝擊以

致。鏡。犯。坡。池。而。孰。知。海。賊。惟。能。踞。海。即。與。之。陸。地。不。
能。一。朝。居。也。惟。祈。貴。鎮。鼓。勵。將。士。如。遇。逆。賊。登。犯。之。
處。應。于。某。路。正。兵。直。擊。應。于。某。路。奇。兵。橫。擊。應。于。某。
路。遶。出。賊。後。伏。兵。夾。擊。仍。督。率。水。師。并。在。海。漁。船。俟。
風。發。之。時。出。其。上。游。縱。火。焚。船。則。一。鼓。而。大。功。可。成。
鯨。氛。可。靖。矣。爲。此。合。行。咨。移。貴。鎮。煩。爲。查。照。由。飭。將。
士。施。行。

催剿山賊論帖

江西巡撫蔡魁吾

錦州人

論。建。已。塔。鄭。將。知。逆。賊。某。某。潛。踞。江。湖。屢。屢。叛。往。

事。歷。歷。可。考。前。春。初。狂。逞。焚。掠。本。部。院。即。揚。兵。會。剿。

以該將爲地方主將自能督率用兵實圖殲滅不意
該將塘報云遍行搜剿已焚其巢穴並無踪蹟矣。目
今賊踞未動賊巢無恙則前言不忤誰乎坐失事機
養成寇亂此其悞一也。及撤兵之後判掠時問本部
院復檄閩將及該將會師夾剿方於望一鼓成擒此
時賊勢窮迫便以甘言賺哄該將不諳兵機不解賊
計便以某某之言爲腹心語視某某之手札爲祕密
藏又復撤兵再聚成績此其悞二也。本部院於閏六
月二十七日嚴牌督令該將確探賊情如果無真心
歸降卽乘此江閩官兵堵截要隘星速入山蕩勦不

必再爲躊躇。詎意該將不以本部院之檄爲信。反以賊之欺謾爲真。今差押遽某程某前來。本部院見該將詳中所錄賊稟其中言詞倨傲。妄自誇大。如初言二出投降。守巡二道互相爭競。夫么膺山寇。何所關係。而用爭競。便已自失地步。繼言陳某欲與師問罪。江潸又有別主方今。

聖主當陽。尺地莫非王土。一民莫非王臣。江潸山。朝廷之版圖也。豈容另有主人。遽賊一滅。卽移剿桐。閔陳德容已爲刃下遊魂。安能復來盤踞。終言欲販竹爲業。以守祖墓。且云敝標員丁俱不願降。已散去。

大半而所造花名冊中不寫目下儼然開註中軍旗
鼓前鋒等名色何物狂寇明明欺人至此稍有知識
者見此卽當立碎其書揮兵進勦方稱智勇兼備之
將方洗數番欺侮之羞迺該將恬然不恠仍如說請
詳。至。於。興。師。問。罪。此。何。等。人。之。事。賊。可。言。該。將。亦。可。
言。之。耶。此。猶。悞。之。甚。者。矣。兵。家。所。爭。頃。刻。狡。賊。變。詐
百端該將當兩軍對壘之際有此三大悞令半年籌
畫付之流水豈不使人歎恨本部院自蒞江省凡浙
西湖東有名大寇擒斬無筭何獨一區區遼某不能
縛之戟門目中久已無此小醜矣惟該將畏賊如虎

每欲借此題日以圖便安此賊亦稔知該將之孱弱
屢作書札以欺誘之安敢向本部院前搖唇鼓舌耶
遽某程某此來本知無益當堂數詰洞鑒隱微姑賞
以銀牌令其歸建隨行檄湖東守巡二道該將卽與
商酌先整捌營伍知會閩將連絡鄉勇堵絕隘口勒
兵壓壘然後與賊一言相決如果真心來降訂以次
日盡離巢穴倒戈下山聽我安插若過此一日卽驅
兵進剿務將百餘山寇盡付刀俎以快人心如該將
自料兵力單弱難於對敵卽馬上差人飛報請兵本
部院自有調發嗣後復有臨陣之際持書往來卽係

慢我軍心當立斬來使以決進勦。如再蹈前轍信賊
虛言。墮賊詭計。耽延歲月。徒喪成功。本部院知有軍
法而已。再不能爲該將寬解也。此諭

諭巡南守東二道

南贛
巡撫
佟
漚
白
諱國器
關東人

嶺東嶺南之間素爲寇盜淵藪。本部院會同廣東督
撫亦既競競搜討。勦撫兼施。不遺餘力矣。迺自入春
以來。翁英二邑寇劫頻聞。警報沓至。究其賊所由起
實在惠之長寧縣。秋茶二崗等處。其地層巒疊嶂。懸
巖峭壁。所由依憑險阻。倚爲窟穴。而此賊踪跡詭祕
在長寧則爲剃髮輸糧之編氓。出境外則爲焚殺擄

劫之劇寇翁英二邑與長寧僅隔一山每每被其蹂躪而贛之龍南縣牙錯其間亦時遭劫掠本部院念官兵勦賊往往賊之所至兵亦至焉兵至而賊已遁雖或俘斬零星而賊之窟穴不清根株何由而淨此指會勦先行確查賊巢的據賊首姓名然後行令惠韶雄三副將刻期出師直抵賊巢且恐其中不無良民勢難盡誅仰巡南守東二道各委府佐一員往於軍中督同該縣印捕分別良盜編查保甲供應糧料紀驗功次庶幾崔苻有肅清之期而玉石無俱焚之慘矣。

牌諭各汛

一二

雲南提督張飛熊陝西人

爲派汛會勦事。照得熟省已奏蕩平。惟近邊之地。尙餘伏莽。若不殲除。終貽後患。本提督業于本月某日。嚴飭各協官兵。分途搜勦。但該地方山川險易。來將或未周知。各汛弁向居其地。自當熟悉。合行派汛會勦。以便商確機宜。爲此牌仰云云。其各屬兵秣馬。候該將到日。卽便同行。一切行兵事宜。殫心料理。本提督軍令霜嚴。稍有疎忽。取究未便。

汛廣兼通等事

廣東總督盧山斗遼東人

爲汛廣兼通巨寇等事。本年月日。據該司會同某司

呈蒙撫院案行會議前事等因到部院據此爲照前
番所調兵馬因係機務攸關本部院隨爲酌派起行
矣茲准部文更屬緊急故星馳移會撫院作速派定
嚴催就道既經撫院轉打該司會議卽當亟於所屬
營路派撥責成各該遂將星夜照數挑選查明家口
刻期發行況此番征調缺額者補不用酌量緩急撥
派頗易卽如該司心服樂從之議夫
國家養兵原以供一時之用兵惟將令是聽將無聽
兵之理若必問其樂從願往試問何人願往而何人
樂從也人情莫不好逸而惡勞設其戀戀鄉土俱不

樂從將使防浙之役遂中止乎殊不知

國法具在誰敢不去也且云令其閭閻撥公議亦曾思
分營別堡道阻且長往返請示耽延時日又不知于
何時方能派定何日始得起行抽調何等緊急豈容
如此從容緩議將來羈遲部限違悞軍機則兩司身
任其咎矣爲此牌仰該司官吏查照部文并牌內事
理卽將續調官兵一千二百五十員名作速呈請撫
院酌撥妥當飛檄各該道將星夜挑選齊備查明家
口并隨行器械等項刻期督發起行至各該官兵有
迭欠俸餉等銀卽行照數我給仍一面將官兵家口

姓名數目文冊馬上差人飛報以憑查考其領兵將
備并前官兵家口已經本部院會題移知撫院矣兵
貴神速轉盼卽失事機如再怠玩逾限定將違誤軍
機指叅決不姑恕慎速慎速

軍政二 留兵防守

留兵防處詳文

溫處席竺來諱式守憲人

看得處協額設馬步兵丁一千六百內有缺額未補
現在止一千五百二十三名除奉憲臺調防溫州若
干名貼防台州若干名所餘分汛處屬及撥擺塘兵
外其實在駐防處府者止七十八名而已今遵奉部

憲飛檄更于駐府防縣兵丁內共抽二百名前往閩
界會勦羅三餘黨案查大寇羅三當日自閩入柘鈞
連萬衆焚掠數年枯屬人民半遭屠戮半受脅從自
蒙各憲臺德威兼沛勦撫並行盜羣漸次投誠安插
彌山徧野此輩原非孝子順孫勢迫就降暫爲革面
一闔舊黨鴟張竊恐伏戎頓起且當日羅三惡逆貫
盈本道移會協鎮五路進兵遍行搜勦羅三窮迫遁
至獨源地方被鄉勇某某等戰敗斬首并獲偽印偽
勅申報在案是處州旣爲羅賊布黨之處又爲羅逆
畢命之區今爲會勦羅三餘黨而反置其布黨畢命

之地于不顧慮非長筭現今各兵出勦腹內空虛恐
安插在處者復輟耕思亂內訌可憂而聚集在閩者
復並力前來逆天報怨府城爲十屬根本將軍僅有
孤劍稱雄龍慶爲全括門庭進勦尙須多方策應伏
懇憲臺俯念處屬七縣無城人心易驚風鶴在于原
調貼防溫合二郡兵丁內撤回其半仍防處屬庶幾
巖城可保而憲恩所被于蒼庶者爲無窮矣

辭調兵會勦詳文

金華張森嶽
諱安豫
太守

爲軍務事某月日蒙兵巡奉巡撫都察院憲牌調取
本府城守官兵二百員名赴仙霞嶺等處會勦卑府